



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Tractatus De Negotiationis
Spiritualis Industriis

Družbicki, Kaspar

Ingolstadii, 1732

VD18 90066367

Industria X. Actiones nostræ ad Excellentiam Heroicam deducendæ,
præstatque tales potiùs paucas, quàm remissas multas fieri.

urn:nbn:de:hbz:466:1-45372

INDUSTRIA X.

*Actiones nostræ ad Excellentiam Heroicam
deducendæ; præstatque tales potius paucas,
quam remissas multas fieri.*

89.

DUx præcedentes Industriæ, ejus (meo iudicio) sunt fæcunditatis atque latitudinis, ut ex penè solæ sufficiant ad fæcundationem Actionum nostrarum, & ad complectendas omnes alias Industrias, quæ forsan in hoc geriere esse possunt à nobis; & denique ad aperiendam viam, atque normam aliarum Industriarum, à quolibet pro suo spirituali gusto excogitandarum atque adhibendarum; quia tamen hunc Industriarum conscribendarum laborem idcirco præcipue mihi assumpsi, ut spiritualium mercium divitiarumque avidis, earum venas aperirem & in eis Marte suo excogitandis, vel labore minuerem, vel saltem in labore præcundo, viam complanarem; ideo ad præcedentes duas satis generales, afferam in sequentibus, aliquas particulares magis Industrias, juxta quas, veri negotiatores possunt operibus suis magnam sublimitatem spiritus, magnumque ad merendum pondus, actionibus suis attribuere.

90.

Est igitur Industria singularis crescendi in meritis aliosque thesauros comparandi, paucas alias actiones elicere, sed eximiè & heroicè, & in gradu excellenti, intenso, defæcato à propriis commodis & laudibus. Præstat enim potius pauca facere, & ingenti conatu & fervore Caritatis, & æstimationis Dei, quam multa tumultuarie, indeliberatè, festinè, præcipitanter, hoc solum,

ut expediantur, attendendo & curando. Quo *Vide simile*
sensu, præstat, unam orationem Dominicam re-
citare, devotè, mediatè, attente, intensè, ar-
denterque, quam totum decurrere Rosarium
cursim, festinatè, lingua mentem præcurrente.
Hoc etiam sensu, (licet in aliâ materiâ) præstat,
alicujus veritatis, vel assertionis unam rationem
solidam, certis & indubitatis nixam principiis af-
ferre, & confirmare, atque omni genere argu-
mentorum comprobare, quam conglobare mul-
tas, nullam solidam.

91.

Hoc sensu dicitur vulgo, quod unus actus in-
 tensus, faciat pro mille tepidis. Facit, inquam,
 revera. nam & plus meretur, plus impetrat, plus
 satisfacit, plus habitus producit, plus diaboli sen-
 timentalis, voluntatis propriæ, propriæ repugnan-
 tiae conatus infringit, plus tentationes omnes
 prosternit, plus Diabolo de victoriâ ex homine
 consequendâ desperationis injicit, plus virium,
 plus facilitatis, plus animi & resolutionis & præ-
 parationis in futurum homini parturit, unicus a-
 ctus strenuus & heroicus, quam mille remissi &
 rigidi. Semel S. Franciscus leporum paupe-
 rem abhorrens sese ad ejus osculum & comple-
 dum demisit heroico conatu, & in posterum o-
 nnem sibi similem nauseam abstersit. Semel
 Catharina Senensis, semel Franciscus Xaverius
 purulentum ulcus saniemque ejus corruptam,
 triumphante ore & linguâ suxit, & ab omni se in
 posterum nauseante molestiâ liberavit: quod
 non fecisset mille remissis circa hoc actiunculis.
 Semel Thomas Aquinas, Lupam à se strenuo
 tonatu & aysu abegit, & deinceps, eam pacem
 luxuriâ consecutus est ministerio Angelico,

F 4

quam

quam plerique plurimis plurimorum annorum laboribus sudoribusque, non assequuntur. Nimirum verum est, quod unus actus intensus, pro mille faciat remissis.

92.

Essent hujus rei rationes de longe petenda, sed hic talium locus non est. Satis sit experientia; tam ista Sanctorum jam adducta, quam quotidiana eorum, qui id experiuntur semper, quoties in aliquo genere difficultatis sese strenue superarunt, sive in temptationibus à Carne, sive in conculcando proprio honore, sive in condonandis injuriis, sive in similibus occasionibus; in quibus, una strenua victoria sui, æternam quandoque pacem asserta victori. Maximè vero id, quod asseritur hic, probabit experientia cuiusque, si volet in semetipso eam cognoscere. Et quis nolit unius momenti labore mercari æternam victoriam, perpetuamque ab hoste pacem, cum aliis, jam suprà recensitis commodis. Sed quare aliquis ex me, rationem strenuorum istorum & Heroicorum actuum exercendorum. Ad quod, quam brevissimè licebit, respondebo.

93.

Heroici actus atque strenui, possunt esse, aliquando ex solo objecto, aliquando ex solo subjecto, aliquando ex solo conatu, aliquando ex his omnibus, aut etiam pluribus causis. Si sit objectum aliquod arduum, difficile, rarum, & quod vulgo asseritur apud omnes non esse cun-
jusvis mentis, & animi, & laboris, præstare; que fuit v. g. illorum trium militum Davidis, peten-
tium aquam ex cisterna Bethleem, per medium castrorum hostilium: arduus sanè fuit actus ex
objecto, & objecti circumstantiis, & ideo heroicus fuit amor ille in Regem. Si sit quidem ob-
jectum

jectum non adeo sublime & excelsum, sed subiecti abhorrentia gravis ab objecto, qualis fuit in Xaverio ab Elephantiaci hominis sanie, eam abhorrentiam superare, heroicum fuit. Si neque objectum sit arduum, neque abhorrentia animi gravis, sed tantum in animo ipso & actu ejus sit conatus, sit ardor, sit diligentia & cura singularis, potest & tunç actus esse heroicus, quantumlibet ille oculis hominum videatur esse ordinarius & communis. Sic aliquando silere ea, quæ in mentem dicere veniunt acutè, lepidè &c. Sic aliquando exiguum aliquem defectum, vel irrationalem suam cogitationem, quæ etiam involuntariè obrepserit, publicè coram fratribus fateri: sic aliquando flosculum non decerpere, nec naribus admovere; sic aliquando sapidum gulæ bolum vel poculum negare, immò tantum, dum astuat ejus desiderio, differre; sic locum aliquem scopis verrere exactè, aut lances triclinii eluere, magno cum conatu devotionis, seu quod idem est, Caritatis, Obedientiæ studii, fraternæ Caritatis, poterit esse in hisce omnibus ac similibus aëtus Caritatis, immo & in ipsis actibus, purè internis, & in nullum aëtum externum prodeuntibus. Si verò concurrant prædicta omnia ad actum, quomodo ad obedientiam Abrahæ concurrerunt universa; nam & objectum eximium, & animi lucta ingens, & conatus devotionis egregius, & omnes aliæ circumstantiæ exaggeratae, ad facinus illud Patriarchale accesserunt, ideo heroicum fuit, & tanti à Deo, quanti notum est, astinatum.

Praxis Industriæ præsentis poterit esse pro varietate occasionum & animorum varia. Ac

inter alias hæc v. g. Assumat homo spiritualis actionem suam aliquam v. g. Orationem horariam, Sacrum, Horas Canonicas, laborem culinæ, laborem docendi in Scholâ vel discendi &c. & eam Actionem circumspiciat undique, ita ut perspectos habeat, defectus, qui ubi intervenire illi solent, perfectiones quas ibi adhibere posset (Comittere autem forsan solet) quâ intentionis puritate, quâ sui humiliatione, quâ effusione sui totius in Deum, in proximique Caritatem propter Deum, quâ constantiâ animi, quâ Dei presentis reverentiâ; quibus affectibus cordis &c. effecturus sit Orationem illam horariam, vel aliud quodvis opus: & hæc omnia actu ingenti, resoluto, parato etiam ad graviora & grandiora adhibenda, vel superanda affectu, facere primum proponat, deinde re ipsâ facere aggrediatur, peragat: ubi peregerit, totum totaliter Deo subdat, & solam sibi confusionem faciei refervet. Sic qui oraverit per horam, docuerit vel studuerit per horam, vel quidvis aliud egerit, omnibus licet commune; dico, Orationem, doctrinam, studium, omnem ejus actum illum sic factum, heroicum fore. utinam sic vel unam in die actionem agamus (agere sanè omne opus deberemus) & per singulas actiones agere, omnes sensim confuescamus! sanè longè plures in Religiosis domibus, in cætibus perfectionem profitentium, re ipsa perfecti essemus.

Ex hoc fonte, profluxit illud documentum; quod plus habet in recessu & in intimis, quam in exteriore sensu præferre videtur: Ordinaria facienda sunt non ordinariæ. Quod gravissimus nostræ Societatis, noster Pater Hieronymus Na-

talis,

alis a-
hora-
culi-
i &c.
ita ut
enire
posset
ionis
ne sui
pro-
præ-
s &c.
, vel
gen-
dio-
e pri-
edia-
Deo
eler-
it vel
gerit,
hem,
illum
unam
opus
, o-
lures
onem
tum;
am in
a fa-
simus
s Nat-
tal is,

talis, solitus erat ex omnibus præcipue commen-
dere. Vide Histor. Soc.

Consimili ratione vir studiosus profectus
sui, eligat aliquam Virtutem, ejusque formalem
actum, ex electione, deliberate, advertenter, eli-
ciat, & eliciat in eo gradu, qui est in illius Virtutis
specie, vel ex animi dispositione difficilis, vel si
non difficilis ei ob habitum & usum, attamen
sublimis & perfectus; & eliciat sive tantum in-
terno animi, singulari conatu, sive insuper etiam
externo aliquo, qui sit imperatus ab illo interio-
re; eliciat, inquam, illum, esto circa objectum
non planè arduum, esto absque repugnantia,
immo cum delectatione animi, eliciat tantum
ex proposito, deliberatè ex purâ placendi Deo
intentione, eliciat perfectè & defæcatè sine in-
tuitu sui ipsius ullo: etiam hic actus erit Heroi-
cus; erit strenuus, & pro mille remissis, (certè
pro multis) faciet. Quòd si etiam ad actum
accesserit objecti aliqua raritas, & cum raritate
difficultas, & aversio inferioris hominis, & so-
litudo cordis, & nuditas spei concupiscentis,
gratuita, sola Caritas Dei, &c. ingens accedet
cumulus tum perfectionis, tum dignitatis valo-
risque actui. Estque hæc singularis ratio pro-
ficiendi in virtutum soliditate & perfectione
si præsertim tales actus fiant frequentius in
diem ejusdem Virtutis; si per aliquod lon-
gusculum tempus exercitatio duret, puta u-
nius vel alterius mensis: denique si accedat oc-
casione, vel sponte se offerentium commodi-
tas, vel, si se sponte non offerant, quæstio, aut
certè propositio saltem imaginaria & conditio-
nata. Ut si quis sibi imaginetur gravem aliquam

(re-

(respectu sui) occasionem & materiam contemptū, & eam sibi veluti præsentem in circumstantiis aggravantibus proponat, loci, temporis, personarum, modi &c. & ad illum contemptum sese odio sui, & studio confundendi sese ex debito sibi cognito contemptū, ex aestimatione Dei, ob quem contemni, exaltari est non contemni, adeo, ut hoc omnem hominis indignissimi statum superet, ex Christi Domini quam proximā imitatione &c. sese resolvat, puro Dei gloriæ ardenterissimoque intuitu; Erit Aetus iste Heroicus.

Atque hujusmodi actus, si fiant aliquoties in diem per unum mensem, ingenerabunt in hominis animo, contemnendi sui seu humiliandi habitum excellentem, magnamque ad contemptus devorandos inducent promptitudinem, adeo, ut etiam plus postmodum periculi sit futurum ex ambitione cupiditate contemptum, quam ex fugâ illorum. Et quod in una hac virtute dixi, idem potest fieri in omni aliâ militantibus quoque aliis posteritis Industriis.

96.

Alias hujus Industriæ praxes, prudentia, experientia, & in primis unctio docebit; hasce duas vel tres attulisse sufficerit. Sub finem monuerim, ad rectum ejus Industriæ usum conferre plurimum,

1. Si quis omnium aut saltem potissimum Virtutum naturas, species, gradus, occasions, aetusque formales cognoscat: Sic enim facilius ex earum indole ac ingenio, actus elicere poterit magno cum lucro, parvo cum labore.

2. Proderit etiam, si quis sciat, perspectasque habeat rationes virtutum, & actionum, communes omnibus, ac ideo etiam servituras omnibus,

per

per quas, actiones tam virtutum, quam aliarum occupationum, fiant puræ & Deo gratae, atque gustabiles modo non plebejo, nec ordinario. Quas rationes superius quidem perstrinximus, in explicatione Industriæ, sed ex proposito forsan aliquibi erunt explorandæ, nunc eas attingo pauculis.

Ac primum suppono, hominem debere esse in Gratia Dei, & amicum. hoc enim nisi fiat, omnia frustra sunt.

Deinde oportet esse actum humanum, hoc est liberum, deliberatum, voluntarium, ex electione tam actus, quam etiam circumstantiatum ejus. Posthac, oportet esse actum supernaturale ex motivo, fine atque etiam quoad fieri potest, mediis supernaturalibus, & fide notis, atque revelatis profectum & exercitum.

97.

Insuper oportet esse actum supernaturale, ut dixi, & quidem ex motivo sublimi. Sublime motivum vocatur illud, quod abstrahit valde à creaturis omnibus; quod abstrahit valde ab omni creaturarum amore, gusto, spe; quod abstrahit ab ipsius operantis commodo, non tantum sensuali, sed etiam rationali, etiam supernaturali, nisi propter ipsum Deum, sit illud ipsum commodum; quod abstrahit ab omni, omnis creaturæ etiam sanctæ gusto, præterquam propter Deum, ita ut hic ipse gustus in Deum tendat, & creaturæ appetantur propter Deum; quod abstrahit à libertate propriâ & delectu proprio, & sese in solius Dei nutum, & si quid minutius signum placiti Divini potest esse ipso nutu, deponit, resignat, sepelit, demergit; quod abstrahit ab omni curâ & inquietudine &c. Hoc solemus vocare motivum

vum sublime, defæcatum, purum, nudum, solitarium, gratuitum, quod est solius Caritatis & Resignationis puræ in Deum, quæ in merito neque meritum quærat, nec mereri volendo, vult mereri, sed vult mereri, quia Deus vult illum mereri, & meriti quæsitione Dei gustum implere.

98.

3. Proderit nosse, quod non ex difficultate operandi vel facilitate atque suavitate pendeat ratio Excellentiae Heroicæ in actibus. Nam sicut difficultas ex imbecillitate virtutis in animo, atque ex parvitate conatus ad eliciendum actum, ex tempore Caritatis in Deum, propter quem fiat actus; hæc difficultas non tantum non facit ut sit, sed potius facit ut plurimum ne sit actus Heroicus. At vero si sit difficultas ex parte quidem sensibili aut inferiori hominis, promptitudo autem ex parte Voluntatis superioris rationalis, cum aliis suprà expositis requisitis, tum difficultas hæc facit, ut sic actus Heroicus,

99.

Cæterum in perfectis viris, & virtutes possidentibus in gradibus eximiis, actus Heroici esse possunt, etsi cum summâ facilitate, suavitate, ac hilaritate illos eliciant. Facilitas quippe illa, fructus est Victoriarum præteriorum, & triumphus de adversario homine in se victo. Quæ proinde promovet & facit, excellentiam Heroicam, in actibus, cum hoc ipsum sit heroicum magnos magnarum Virtutum actus facere, non tantum libenter, non tantum faciliter, sed etiam delectabiliter, atque connaturaliter. alioqui si hoc non esset, tunc aut non essent actus Virtutum exercendi, neque per eos parandi habitus intensi Virtutum, siquidem habitibus & facilitate, impediatur

tetur excellentia heroica aut certè in actibus heroicis sublimitas, nihil laudabile contineret, quod tamen contra omnem rationem esse constat.

Denique sequeretur in Christo Domino nullam fuisse Heroicam Virtutem, quia in eo nulla fuit difficultas, summa verò facilitas exercendi actus Virtutum: atqui constat in eo plusquam fuisse heroicas Virtutes omnes; Facilitas ergo stat cum excellentiâ heroicâ, atque illam adjuvat; ac proinde ad eam conandum est, in exercitio Virtutum affiduo, ita ut ex facilitate, heroicâ sublimitas, ex heroicâ sublimitate, facilitas exercendi nascatur.

INDUSTRIA XI.

Actiones sic à nobis sunt exercenda, ut sint superiores habitibus suis.

Humanæ actiones fiunt vel sine habitu, vel ex, & cum habitu, vel secundùm habitum, vel supra habitum, vel infra habitum. Sine habitu facimus actiones, quando aliquas primò agredimur facere. Ex habitu facimus, quando jam per actuum repetitionem, consuetudine agendi contractâ, ex illâ & cum illa consuetudine (quæ habitus est) facimus. Infra habitum facimus, quando agimus ex illâ quidem, & cum illius consuetudinis auxilio, non tamen cum eâ latitudine atque conatu, cùm quantâ possemus ex vi illius consuetudiniſ atque facilitatis sive habitûs, sed cum minori. Secundùm habitum facimus, quando actione ipsâ vires & latitudinem illius consuetudiniſ aquamus. Supra habitum facimus, quando

100.